

嘉慶瓜洲志

高觀昌署簽

嘉慶瓜洲志卷三

兵志

隋楊素傳江南人李稜等聚衆爲亂大者數萬小者數千共相影響殺害長史楊素爲行軍總管帥衆討之賊朱莫問自稱南徐州刺史以盛兵據京口素率舟師入自揚子津進擊破之

吐萬緒傳煬帝幸江都時劉元進作亂江南以兵攻潤州帝徵吐萬緒率衆至揚子津元進自茅浦將渡江緒勒兵擊走因濟江背水爲柵門明旦元進來攻又大挫之賊解潤州圍而去緒進屯曲阿元進復結柵拒緒挑之元進出戰陳未整緒以騎突之賊衆遂潰赴江水死者數萬

嘉慶瓜洲志

卷三

兵志

一

于氏凝暉堂重印  
中華書局承印

唐沈法興定江表十餘州稱梁王自意南方諸城可跂足而平專事威戮李子通圍陳稜法興遣子綸救之屯兵揚子間數十里反爲所敗子通乘鋒渡江破京口使將蔣元超戰陵亭大敗死之法興懼棄城與左右數百投吳郡

肅宗紀肅宗遣永王璘朝上皇天帝於蜀郡璘反丹徒郡太守閻敬之同元景曜將兵拒之景曜降敬之及璘戰於伊婁埭死之

通鑑唐紀肅宗至德二載二月戊戌永王璘之亂李成式與河北招討判官李銑合兵討璘銑兵數千軍於揚子成式使判官裴戎將兵三千軍於瓜步按揚子橋

又云肅宗上元元年楚王暉將兵略淮西都統李峘關北固山爲兵場插木以塞江口宋州刺史劉展軍於白沙設疑兵於瓜洲多張火鼓若將趣北固者如是累日峘悉銳兵守京口以待之

通鑑唐紀云二年春正月丁未平虜兵馬使田神功使特進楊惠元等將千五百人西擊楚王暉辛亥夜神

功先遣特進范知新等將四千人自白沙濟西趣下蜀鄧景山將千人自海陵濟東趣常州神功與邢延恩將三千人軍於瓜洲壬子濟江劉展將步騎萬餘陳於蒜山神功以舟載兵趣金山會大風五舟飄抵金山下展屠其二舟沈其三舟神功不得渡還軍瓜洲

吳越十國春秋忠懿王世家吳越王錢俶遣沈承禮等率兵隨宋平潤州進討金陵江南平奉表稱賀且請入覲宋帝因王入覲勅遣供奉官張福貴等開古河一道自瓜洲口至潤州江口達龍舟堰以待王舟楫

繫年要錄云呂頤浩張浚聯馬追及上於瓜洲鎮得小舟卽乘以濟次西津口上坐水帝廟取劍就鞞擦血百官皆不至諸衛禁軍無一人從行者是晚金遊騎至揚州守臣右文殿修撰黃願先逸去簽書淮南節度判官吳某權州事民皆備香花迎拜金人入城問上所在衆曰渡江矣金人馳往瓜洲望江而回引兵屯摘星樓下

又云金人之未至也公私所載舳艫相銜運河自揚州至瓜洲五十里僅通一舟初城中聞報出城者皆以得舟爲利及金兵至潮不應插盡膠泥淖金兵取之

如拾乘輿服御官府案牘無一存者

又云金游騎至瓜洲民來渡者尙十餘萬奔迸墮江而死者半之舟人乘時射利停撈水中每一人必一金乃濟比敵至皆相抱沉江或不及者金兵驅而去金帛珠玉積江岸如山時事出倉卒朝廷儀物悉委棄之季陵獨奉九廟神主使親事官負以行至瓜洲敵騎已逼陵舍舟而陸親事官李寶爲敵所驅逐遂失太祖神主

又云戊辰呂頤浩劉光世移兵屯瓜洲渡

又云戊午金人陷真州步軍司邵宏淵逆戰於胥浦橋

兵敗毀柵退屯揚子橋敵逕自山路犯揚州劉錡軍還自邵伯埭聞真州陷遂入揚州安撫使劉澤以城不可守勸錡退屯瓜洲

續宋編年通鑑云金人既得揚州卽遣兵來爭瓜洲渡錡命部將蔣和仲吳超等拒之於皂角林員琦陷重圍下馬死戰部將王佐以步卒百有四人往林中設伏敵入弩發敵以運河岸仄非騎兵之利稍引去遂大敗之斬金萬戶高景山俘數百人錡在瓜洲無日不戰恐人心不固乃遣人自鎮江取妻子以安人心至是有詔令錡專防江上會病已劇乃肩輿渡江留

劉汜以千五百人塞瓜洲渡又令李橫以八千人固守十一月金人攻瓜洲汜以克敵弓射却之

韓滉傳陳少游在揚州以甲士三千臨江大閱滉亦總兵臨金山寺少游會以金繒相餉酬然滉握強兵雖不赴難而調發糧帛當時實賴以濟李晟方屯渭北滉運米饋之船置十弩以相警悍賊不能剽始漕臨江滉顧僚吏曰天子蒙塵臣下之恥也乃自舉一囊將佐爭負之

繫年要錄云時金人以重兵直搗瓜洲李橫以諸軍迎戰中軍統制劉汜提本部兵先走諸軍皆不進橫以

孤軍不能當亦遁失其都統制印左軍統制魏俊後軍統制王方戰柳林中金創被體皆死之汜橫僅以身免汜性驕惰不習軍事至是卒敗

宋史劉錡傳錡在揚州命盡焚城外居室用石灰盡白城壁書曰完顏亮死於此金主見而惡之遂居龜山人衆不能容以致變云

繫年要錄云宋紹興三十一年庚寅金亮軍瓜洲鎮御營宿衛使楊存中中書舍人虞允文以車船臨期不堪駕用乃臨江拽試命戰士踏車船中流上下三繞金山回轉如飛敵衆驚愕亮笑曰紙船耳一將跪曰

南軍有備願駐揚州徐圖進取亮怒命斬之哀謝良久乃杖半百

金史海陸紀甲午會舟師於瓜洲渡期以明日渡江高宗紀乙未金人陷泰州是日金人弑其主亮於揚州

龜山寺金人北還

按龜山寺卽瓜洲彤雲閣也或謂六合瓜步非是

繫年要錄云亮在瓜洲聞李寶由海道入膠焚其戰艦成閔諸軍方順流下亮忿仍還揚州召諸將約三日畢濟過期盡殺之謀曰南軍有備進有滄殺之禍退有敲殺之憂等死死中求生可乎總管萬戴曰殺郎主與宋通和則生矣衆曰諾亮夕與后妃飲言三日

渡江不得大臣盡斬諸將聞之益懼亮謂威勝統軍耶律阿里曰爾所將兵數少必誅無怨阿里與其子穆爾古謀亦欲弑亮亮有紫茸等細軍不遣臨敵專以自衛衆患之奏遣細軍取海陵謂細軍曰淮東子女金帛逃在泰何不往取之細軍欣然共請亮許之於是去者過半又金史逆臣完顏元宜傳云黎明元宜王祥與武勝軍都總管徒單守素等率衆犯御營海陵聞亂以爲宋兵奄至攬衣遽起箭入帳中取視之愕然曰我兵也大慶山曰事急矣當出避之海陵曰走將安往方取弓已中箭撲地延安少尹納合幹

魯補先刃云手足猶動遂縊殺乞驍騎指揮使大磐整兵來救祥出語曰無及磐乃止軍士攘取行營服用皆盡乃取大磐衣巾裹海陵屍焚之遂收尚書右丞李通浙西路副統制郭安國監軍徒單永年近侍局使梁琬副使大慶山皆殺之按蹇駒采石斃亮紀云諸酋斃亮兼殺侍妃花不如等五人明日諸酋遂麾軍退屯三十里

高宗紀十二月庚子楊存中及虞允文至瓜洲察金兵繫年要錄云甲辰右軍統制權知泰州王剛以所部至本州中軍統制顧暉引兵瓜洲鎮

張晉亨淄萊路總管詔伐宋晉亨在選分道由安慶渡江丞相伯顏留之戍鎮江戰焦山瓜洲皆有功

宋高宗紀高宗建炎三年二月壬子金兵至帝被甲馳幸鎮江府是日金兵過揚子橋游騎至瓜洲王淵請幸杭州命留朱勝非守鎮江劉光世充行在五軍制置使駐鎮江控扼江口是夕發鎮江庚申次崇德縣呂頤浩從行卽拜江淮制置使以兵二千還屯京口辛巳次鎮江府遣祭張慤陳東墓詔恤其家九月諜報金人治舟師將由海道窺江浙遣韓世忠控守圖山十二月戚方叛鎮江府殺守臣胡唐老金人至鎮

江府世忠屯焦山寺邀擊之徙都督於鎮江五年郭仲威犯鎮江府遣岳飛擊之紹興八年五月詔鎮江府募橫江軍千人十年令樞密行府置司鎮江令編行巡歷措置張俊岳飛至楚州俊以海州城不可守毀之遷其民韓世忠軍還鎮江是月張俊復如鎮江措置軍務

張浚傳浚受命視師江上時兀朮擁兵十萬於揚州約日渡江決戰浚長驅臨江召韓世忠張俊劉光世議事壯士見浚勇氣十倍浚旣部分諸將身留鎮江節度之世忠麾下王愈詣兀朮約戰且言張樞密已在

鎮江兀术曰張樞密貶嶺南何得在此愈出浚所下  
文書示之兀术色變夕遁

韓世忠傳兀术自廣德破臨安如浙東韓世忠至行在  
奏留江上截金人帝親賜札聽其留會上元節就秀  
州張燈高會世忠忽引兵趨鎮江及金兵至韓兵已  
先屯焦山寺兀术遣使通問約日大戰許之戰將十  
合梁夫人親執桴鼓金兵終不得渡盡歸所掠假道  
不聽請以名馬獻又不聽世忠與二酋持黃天蕩者  
四十八日以海艦進泊金山下預以鐵縷貫大鉤授  
驍健者明旦敵舟譟而前世忠分海舟爲兩道出其

背每縋一縷則曳一舟沉之兀术窮蹙祈請甚哀不  
聽會兀术鑿大渠三十里遁去初世忠謂敵至必登  
金山廟觀我虛實遣兵百人伏廟中百人伏岸澣約  
聞鼓聲而出岸兵先入廟兵合擊之金人果五騎入  
廟兵喜先鼓而出僅得二人逸其三中有絳袍玉帶  
旣墜復跳馳而脫詰之兀术也

虞允文傳金人趨瓜洲適李顯忠至自蕪湖虞允文語  
之曰敵入揚州必與瓜洲兵合京口無備我當往公  
能分兵相助乎顯忠分李捧軍萬六千往京口葉義  
問亦命楊存中將所部來會允文還建康卽上疏言

敵敗於采石將徼倖於瓜洲今我精兵聚京口持重待之可一戰而勝乞少緩六飛之發甲申至京口敵屯重兵滁河造三牐儲水深數尺塞瓜洲口時楊存中成閔邵宏淵諸軍皆聚京口不下二十萬惟海鱖船不滿百戈船半之允文謂遇風則使戰船無風則使戰艦數少恐不足用遂聚材冶鐵改修馬船爲戰艦命張深守滁河口扼大江之衝以苗定駐下蜀爲援金主亮至瓜洲允文與存中臨江按試會亮爲其下所殺敵退屯三十里遣使議和奏聞召入對上嘆曰虞允文公忠出天性朕之裴度也

葉義問傳葉義問素不習軍旅視師鎮江聞瓜洲官軍與敵相持大失措乃役民掘沙溝植木枝爲鹿角禦敵一夕潮生沙溝平木植盡去會建康留守張燾告急義問乃遵陸云往建康催發軍

洪邁傳洪邁知樞密院事葉義問出視師奏以邁參議軍事至鎮江聞瓜洲官軍與金人相持皇懼失措會建康走驛告急義問遽欲還邁力止之曰今退師無益京口勝敗之數而金陵聞返旆人心動搖不可王埜傳王埜以察防使出視江防至京口增修官民兵船守險備具後知鎮江府兼都大提舉浙江兵船江

面幾千里調兵捍禦以守江尤重於淮瓜洲一渡甚  
狹請免鎮江水軍調發專一守江置遊兵如呂蒙所  
言蔣欽將萬人巡江上增創水艦就揚子江習水戰  
登金山指麾之是冬揚子橋有警急調湯孝信所領  
遊兵救之而退後遷安撫三郡屯田行宮留守巡江  
引水軍大閱舳艫相銜幾三十里憑高望遠考求山  
川險阨謂要務莫如屯田講行事宜修飾行宮諸殿  
室推京口法創遊擊軍萬二千蒙衝萬艘江上宴然  
靖康要錄云欽宗靖康元年正月太上道君皇帝渡揚  
子江至鎮江府

王宗沐續鑑宋紀云乙卯盜犯鎮江知府趙子崧退保  
瓜洲

繫年要錄云太后過高郵聞叛兵焚鎮江乃遣兵扼瓜  
洲渡及是帝入揚州駐於州治名州之正衙曰車駕  
巡幸駐蹕之門

繫年要錄云張遇自金山寺進屯揚子橋衆號二萬會  
兩浙制置使王淵還行在自將數百騎入其砦招之  
遇見淵器械精明惶懼迎拜淵曰汝等賴我來不然  
已無遺類矣淵奏以遇爲閤門宣贊舍人遇猶縱兵  
四掠扈從者危懼知揚州呂頤軍統制韓世忠聯騎

造其壘曉以逆順禍福執其謀主劉彥磔於揚子橋  
縛小校二十九人送淵戮之餘黨怖而釋甲得其軍  
萬人隸世忠

續鑑宋紀云金人破天長軍帝遣內侍覘事知金人至  
遽奔還帝得報卽介胄走馬出門惟內營都統制王  
淵內侍省押班康履五六騎隨之過市市人指之曰  
官家去也俄有宮人自大內星散而出城中大亂帝  
與行人並轡而馳黃潛善汪伯彥方會都堂或有問  
邊耗者猶以不足畏告之堂吏呼曰駕行矣二人乃  
戎服鞭馬南驚軍民爭門而死者不可勝數帝次揚

子橋一衛士出語不遜上擊手劍殺之時軍民怨黃  
潛善刻骨司農卿黃鶚至江上軍士呼曰黃相公在  
此數之曰誤國害民皆汝之罪鶚方辨其非而首已  
斷矣少卿史徽陳范浩繼至亦死給事中兼侍講黃  
哲方徒步一騎士挽弓射之中四矢而卒是日鴻臚  
少卿黃唐俊渡江溺死左諫議大夫李處遯爲亂兵  
所殺太府少卿朱端友監察御史張灝皆不知存亡

日紀稱史徽范浩至  
宜興縣境爲盜所害

續宋編年通鑑云甲辰十二月金人攻六合縣郭倪遣  
前軍統制郭撰救之遇於胥浦橋官軍大敗倪棄揚

州走瓜洲渡

宋史趙范傳范知揚州爲書告廟堂請罷調停之議一請檄沿江制置司調王明本軍駐泰興港以扼泰州下江之捷徑一請檄射陽湖人爲兵屯其半高郵以制賊後屯其半瓜洲以扼賊前一請速調淮西兵合滁陽六合諸軍圖救江西朝旨乃許范刺射陽湖兵毋過二萬就聽節制於是討賊之謀決

宋史瀛國公紀德祐元年夏四月庚午元兵至揚子橋揚州都撥發官雷大震出戰死按王宗沐續鑑宋紀云阿术乘勝進趨揚州姜才逆之於三里溝敗之阿

术佯退才逐之阿术反戰至揚子橋大震死之兩軍夾水而陳元張宏範以十二騎絕渡衝才軍軍不動宏範引卻以誘之才將回躍馬出奮大刀直前向宏範宏範反轡迎刺之應手仆元立陳者歡聲動地才軍遂潰阿术與宏範追之自相蹂踐與陷濠水死者甚衆元軍進薄揚州南門

又云是年冬十月元阿术圍守揚州乃造樓櫓戰具於瓜洲

元史世祖紀庚午五月丁丑阿术立木柵於揚子橋斷淮東糧道且爲瓜洲藩蔽

世祖紀六月丙寅都統姜才副將張林步騎二萬人乘夜攻揚子橋木柵萬戶史弼告急阿朮自瓜洲赴之詰旦至柵下才軍夾水爲陳阿朮麾騎兵渡水擊之陳堅不動阿朮軍引郤才軍來逼我軍與力戰遂走阿朮麾步騎並進才僅以身免生擒張林斬首萬八千級

世祖紀云至元十二年秋七月庚午朔阿朮集行院諸翼萬戶兵船於瓜洲阿塔海董文炳集行院諸翼萬戶兵船於西津渡宋詔江淮制置使趙潛樞密都承旨張世傑知泰州孫虎臣等陳舟師於焦山南北阿朮遣張宏範等以拔都兵船千艘掠珠金沙辛未大戰自辰至午宋師大敗自是不能復軍

宋史忠義傳趙淮丞相葵從子李全之叛屢戰立功累官至淮東轉運使德祐中戍銀樹壩兵敗與其妾俱被執至瓜洲元帥阿朮使淮招李庭芝許以大官淮陽許諾至揚城下乃大呼曰李庭芝男子死耳毋降也元帥怒殺之棄屍江濱按續鑑以淮爲葵子誤宋元通鑑云閏月謝太后與帝隨元兵北行至瓜洲李庭芝與姜才涕泣誓將士出兵奪兩宮將士皆感泣乃盡散金帛犒兵以四萬人夜擣瓜洲戰三時衆擁

帝避去才追戰至浦子市苗再成亦謀奪駕不克  
世祖紀云戊申宋馮都統等自真州率兵三千戰船百  
艘襲瓜洲阿朮遣萬戶昔里罕阿塔赤等出戰大敗  
之珠金沙得船七十七艘馮都統等赴水死按馮都  
統等史逸其名

宋史李庭芝傳云宋亡謝太后及瀛國公爲詔諭李庭  
芝降庭芝登城曰奉詔守城未聞詔諭降也已而兩  
宮至瓜洲復詔庭芝庭芝不答命發弩射使者斃一  
人餘皆退去姜才出兵奪兩宮不克復閉城守

宋史忠義傳姜才濠州人通州副都統知兵善騎射撫

士卒有恩至臨陣軍律凜凜賈似道出師屬孫虎臣  
爲先鋒虎臣軍潰才收兵入揚州大兵乘勝攻揚州  
才爲三疊陳逆之三里溝有功又戰揚子橋流矢貫  
才肩才拔矢揮刀而前所向辟易已而大軍築長圍  
自揚子橋竟瓜洲東北跨灣頭至黃塘西北至丁村  
欲以久困之時德祐元年也明年正月宋亡使持謝  
太后詔來諭才發弩射卻之復擊五奉使於召伯堡  
瀛國公至瓜洲才出奪之衆擁瀛國去才進戰至浦  
子市夜猶不退阿朮使人招之才曰吾甯死豈作降

將軍耶

按才疽發背不能戰都統曹安國入才臥內  
執獻阿朮愛其忠勇欲降之慢罵不屈遂尙

揚州之

宏簡錄云文天祥自鎮江亡入真州苗再成知州事聞之出迎泣且喜曰兩淮雖敝足以興復特兩閩不能合從耳天祥問計安出再成曰今先約淮西兵趨建康彼必悉力以扞乃指揮淮東諸將以通泰兵攻灣頭以高郵寶應淮安兵攻揚子橋以揚州兵攻瓜步吾以舟師直搗鎮江同日大舉灣頭揚子橋皆沿江脆兵且日夜望我師之至攻之卽下使合攻瓜步之三面吾自江中一面薄之雖有智者不能爲之謀矣瓜步旣舉以東兵入京口西兵入金陵要浙歸路其

嘉慶瓜洲志

卷三

兵志

十五

大帥可立致也天祥大稱善卽以書遺二制置會李庭芝疑不果行真州陷再成不屈而死

阿塔海傳伯顏以舟師與宋軍戰宋軍潰宋臣賈似道奔揚州遂分兵四出克池州取太平順流東下至建康丹徒等州縣皆望風迎降時揚州未附諜告揚州人將夜襲丹徒守將乞援塔海出設伏以待揚州軍果夜至塔海出扼西津邀擊之殺獲溺死者甚衆明史成祖紀云建文四年六月癸丑陳瑄以舟師叛附於王甲寅祭大江乙卯自瓜洲渡盛庸以海艘迎戰

敗績

又云成祖克儀徵立營高資鎮命將集艦於瓜洲遂濟江

又云鄭曉傳通州人顧表者爲倭導以故營砦皆據要害盡知官兵虛實曉總督漕運懸重賞捕戮之募鹽徒驍悍者爲兵增設海防副使設瓜洲城諸海口皆增兵設墩遂破倭於通州

又云正德七年流賊劉宸爲官軍所敗入揚子江由瓜洲趨金陵時瓜洲有備賊不敢窺

又云正德七年流賊齊彥民等由京口趨瓜洲勢甚猖獗江都令陳憲隨事區畫爲守禦計閭閻晏然若不

知有兵事者

又云嘉靖三十四年倭寇一從瓜洲入一從新港入一從通州入一日報倭至薔薇港次日又報至霍家橋逃者爭渡不得將船沿河北走又遇北路倭至被殺及溺死者數千人縱火焚掠衛官張恆戰歿於教場明史日本傳嘉靖三十五年倭掠瓜洲焚漕艘按康熙志時擔鹽夫百人遇倭卽用擔奮擊倭不能當棄仗而逃被傷頗多上官因目爲腳兵

通鑑輯覽福王紀史可法具疏屯高傑兵於瓜洲渡明史祁彪佳傳彪佳巡撫江南時高傑駐瓜洲跋扈甚

彪佳尅期往會至期風大作傑意彪佳必無來彪佳攜數卒衝風渡傑大駭異盡撤兵衛會彪佳於大觀樓彪佳披肝膈勉以忠義共獎王室傑感嘆曰傑閱人多矣如公云傑甘爲死公一日在吳傑一日遵公約矣共飯而別

明史高傑傳福王封傑興平伯列於四鎮領揚州駐城外傑固欲入城揚州民畏傑不納傑攻城急日掠廂村婦女民益惡之可法議以瓜洲予傑乃止

明史黃得功傳督輔史可法慮高傑跋扈難制故置得功儀真陰相牽制適登萊總兵黃蜚將之任蜚與得

功同姓稱兄弟移書請兵備非常得功率騎三百由揚州往高郵迎之傑副將胡茂楨馳報傑傑素忌得功又疑圖己乃伏精卒道中邀擊之得功行至土橋方作食伏起出不意上馬舉鐵鞭飛矢雨集馬踣騰他騎馳有驍騎舞槊直前得功大呼反鬪挾其槊而扶之人馬皆糜復殺數十人跳入頹垣中哮聲如雷追者不敢進遂疾馳至大軍得免

江蘇詩徵云高傑以鎮將欲屯揚州諸生張問達詣史公可法軍門力陳不可且曰封疆至重公不可以畀賊可法怒其阻撓逮至瓜洲將按以軍法有龔克初

者從旁大呼曰此壯士也不可殺遂召入諭時事改容謝之

福王傳云史可法遣諸將分守要地高傑移駐徐州以張天祿爲閣標前鋒駐瓜洲

國朝順治二年五月八日 大兵抵瓜洲京口水師總兵鄭鴻逵鄭彩僉事楊文驄等督兵守江我軍用大礮擊江南軍每砲發江水湧激數丈二鄭帥先遁文驄亦逃八日昧爽烟霧蔽江乃縛芻置木棧上順流下以給京口兵而 大兵潛從龍潭竹哨渡十日士英猶有長江天塹之對十一日 大兵已薄都城矣

順治十六年僞延平王鄭成功犯江南從行甲士十七萬習流五萬習馬五千戈船八千鐵人八千鐵人者周身披鐵畫以朱碧彪文陳於行首聳立馬足而砍之七月抵焦山成功集諸將議曰瓜鎮爲金陵門戶宜先破之乃令僞右提督馬信前鋒鎮統領余新進奪談家洲僞材官張亮督善泅水者盪舟斬斷滾江龍僞兵侍張煌言會僞水師提督羅蘊章候滾江龍旣斷卽進據瓜洲上流焚奪滿洲木城成功與甘輝翁天祐等直搗瓜洲我操江朱衣祚城守左雲龍率兵一萬會戰背港而軍戰未合張亮已斷滾江龍對

岸夾擊僞右武衛統領周全斌率兵帶甲浮渡直抵城下僞正兵鎮韓英奪門入城遂破雲龍陣歿衣袂逸去其談家洲及滿洲木城俱潰成功令僞援勦左鎮劉猷守瓜洲餘皆渡江趨鎮江我提督管效忠以步兵駐守銀山騎兵移當大路成功以銀山迫府治爲必爭地夜引兵奪之遲明大軍分五路三疊壓壘而軍成功令發火炮多鼓鈞聲江水震沸兵士皆下馬殊死戰效忠北鎮江守將高謙降成功以周全斌黃昭守之屬邑皆下甘輝進曰斷瓜洲則山東之師不下據北固則兩浙之路不通但坐鎮此南都可

不勞定也不聽率薄金陵

江防考大江南岸圖山北岸三江口爲第一重門戶鎮江瓜洲爲第二重門戶儀徵天甯洲爲第三重門戶

選舉

于元璜字赤臣號聖漁順治丁酉舉人庚戌揀選知縣

于元瑾字虎臣號懷鍾康熙辛酉歲貢生任鳳陽府學訓導服闋補靖江縣訓導

于仁鑒字靜茹號他山元璜子康熙壬申歲貢生

張翥字標猶子乾隆乙酉舉人

姚志淳字肇煌號樸園乾隆丁酉舉人官徽州府學訓導卒年七十八志淳正己率士秉鐸二十年士服其教

卞錦標卞南庄人乾隆己亥恩科舉人

蔣卞南庄人歲貢生

方武舉人

朱武進士

張學溥字天池由職員官泉州府南安縣知縣

劉尙文字郁庵性警敏家極貧善丹青尤工畫蝦

高廟南巡駐蹕錦春園時某邸扈從步渚上見其畫問

曰此何名曰龍頭魚又問曰帶子回潮尙文不知爲某邸也喜甚因携以入都由內務府供事考授山西汾州府經歷歷官台州府天台縣知縣

梁雄獻畫賞八品頂戴

0211